

Siðareglur hestaíþróttadómarafélags Íslands

Inngangur

Hvað eru siðareglur?

Siðferði og siðareglur eru heimspekileg hugtök sem fræðimenn hafa glímt við að skilgreina. Flestir hafa skoðun á því í hverju „gott siðferði“ felst. Það er kunn sannindi að rangt sé að ljúga, stela og svíkja en rétt sé að vera heiðarlegur, hjálpfús og æðrulaus. Sérhverju starfi fylgja tilteknar skyldur og þá um leið tilteknar siðareglur þó svo að oft sé þar um að ræða augljósa framlengingu á þeim siðareglum sem almennt gilda í samfélaginu.

Hvaða gagn gera siðareglur?

Siðareglur eiga að hvetja fólk til faglegra vinnubragða, hvaða starfsstétt sem það tilheyrir. Siðareglur eiga einnig að auka samkennd og samheldni starfsfólks og minnka líkur á áföllum og hneykslismálum. Siðareglum er ætlað að auðvelda einstaklingum að rækja störf sín vel. Þær leysa fólk þó *ekki* undan þeirri ábyrgð að reiða sig á eigin samvisku í siðferðilegum efnum.

Siðareglur Hestaíþróttadómarafélag Íslands (HÍDÍ)

- hvetja hestaíþróttadómara til faglegru vinnubragða.
- eiga að auka samkennd, samheldni og samstöðu hestaíþróttadómara almennt.
- upplýsa um þau atriði sem félagið leggur áherslu á í samskiptum hestaíþróttadómara við keppendur, áhangendur, ritara, áhorfendur, starfsmenn og mótshaldara.
- eiga að minnka líkurnar á áföllum og hneykslismálum.

Hestaíþróttadómarar

Hestaíþróttadómarar sem starfa á Íslandi eiga að leggja við drengskap sinn að stuðla að heiðarlegri og drengilegri keppni og leggja sig fram um að efla framgang hestaíþróttakeppinnar. Hestaíþróttadómari skal hafa í huga eftirfarandi hugtök:

Ósérhlífni, ráðvendni, heiðarleiki, hlutleysi og áreiðanleiki.

Siðareglur:

Ábyrgð hestaípróttadómara gagnvart knapa og hestum

1. Hestaípróttadómara ber að láta jafnt yfir alla ganga óháð aldri, kyni, kynþáttum, kynhneigð, þjóðernis, trúarbragða, skoðana, fortíðar eða nokkrum öðrum atriðum.
2. Hestaípróttadómara ber að sýna öllum virðingu sem til keppni koma.
3. Hestaípróttadómari skal ekki veita einstaka knapa sérstaka fyrirgreiðslu á grundvelli persónulegra tengsla.
4. Hestaípróttadómari skal bera heilsu, velferð og öryggi hests og knapa fyrir brjósti.
5. Hestaípróttadómara ber að muna að keppnin er mikilvægari en þarfir einstakra knapa, þjálfara, áhangenda eða metnað einstakra dómara.
6. Hestaípróttadómara ber að líta hlutlaust á frammistöðu keppenda án þess að gera sér í hugarlund hugsanleg úrslit.
7. Hestaípróttadómari skal hafa kjark til að dæma á öll brot án tillits til stöðu keppenda, tengsla eða hugsanlegra áhrifa á framtíðarsamskipti við keppendur.
8. Hestaípróttadómari skal forðast að ræða einhverja þætti sýningar á niðrandi hátt eða láta keppendum upplýsingar í té um keppinauta.

Ábyrgð hestaípróttadómara gagnvart mótshöldurum og öðru starfsfólki mótsins

Hestaípróttadómari skal.....

1. sýna góða þjónustulund og sinna samskiptum við mótshaldara sem og aðra starfsmenn mótsins samviskusamlega og af virðingu.
2. ávallt vera stundvís og mæta tímanlega fyrir hverja keppni.
3. ávallt vera líkamlega og andlega vel á sig kominn til að standast það álag og þær kröfur sem keppnin gerir til dómara.
4. vera öðrum fyrirmynd í snyrtimennsku og framkomu sem hæfir þeirri virðingu sem starfið á að njóta.
5. sýna riturum og samstarfsfólki virðingu.

Ábyrgð hestaípróttadómara gagnvart sjálfum sér og öðrum dómurum

Hestaípróttadómari skal....

1. sinna starfi sínu af kostgæfni.
2. leggja sig fram um að þeir sinni starfi sínu og skaði ekki orðstír félagsins.
3. leggja sig fram um að viðhalda og auka þekkingu sína á keppnisreglum og leiðaranum.
4. virða og nota aðeins opinbera túlkun á keppnisreglum en ekki fara eigin leiðir.
5. fylgjast með öðrum dómurum og stefna að framförum í starfi.
6. gæta hlutleysis og ekki tala niðrandi um aðra hestaípróttadómara hvort sem þeir eru að störfum eður ei.
7. vera ákveðinn, kurteis, virðulegur, vingjarnlegur, rólegur og ávallt reiðubúinn þegar hann er að störfum. En ekki dramblátur, hrokafullur, vinur eða félagi.
8. taka ákvarðanir í einstaka atvikum á þeim forsendum sem hann þá hefur án tillits til fyrri ákvarðana.
9. virða starf sitt og vera stétt sinni til sóma.

Viðbrögð við brotum á siðareglum HÍDÍ

Ef vandamál koma upp er varða siðareglur þessar skal vísa málinu til stjórnar HÍDÍ. Ef einstaklingur verður þess áskynja að reglurnar hafi verið brotnar gerir hann viðvart um það með því að beina erindi til formanns stjórnar HÍDÍ. Rökstudd ásökun um brot á siðareglum má aldrei bitna á þeim sem færir hana fram.